

მიხეილ შაყულაშვილი ევროკავშირის სადამკვირვებლო მისიის ხელმძღვანელს შეხვდა

15 სექტემბერი 2022

შიდა ქართლის სახელმწიფო რწმუნებული მიხეილ შაყულაშვილი ევროკავშირის სადამკვირვებლო მისიის ხელმძღვანელს მარეკ შრიგელს და გორის ოფისში ადამიანთა უსაფრთხოების ჯგუფის ხელმძღვანელს მაიკ ალბერსს შეხვდა. გაცნობითი ხასიათის შეხვედრა შიდა ქართლის რწმუნებულის ადმინისტრაციაში გაიმართა. მარეკ შრიგელმა სახელმწიფო რწმუნებულს მისიის შესახებ ვრცელი ინფორმაცია მიაწოდა. ასევე, საუბარი შეეხო შიდა ქართლის რეგიონში საოკუპაციო ხაზთან მდებარე სოფლებში მიმდინარე და დაგეგმილ პროექტებს. გარდა ამისა, მხარეებმა პრობლემატური მიმართულებების ერთობლივი გადაჭრის გზების გამონახვის შესაძლებლობზეც იმსჯელეს. მიხეილ შაყულაშვილმა მადლობა გადაუხადა ევროკავშირის სადამკვირვებლო მისიის წარმომადგენლებს იმ საქმიანობისთვის, რასაც შიდა ქართლის რეგიონში ახორციელებს. შეხვედრის ბოლოს მხარეები თანამშრომლობის გაღრმავებაზე შეთანხმდნენ.